

ایماندارانِ دعا

۲۳ وختی پطرس و یوحنا آزاد بوستیدی، بقیه‌ی ایماندارانِ ورجه بوشویدی و جہ هرچی کی قوم پیلہ کاهنان و پیلہ آدمان بوگفته‌بید اوشان و اخبر بوکودیدی. ۲۴ وختی اوشان بیشنوستیدی کی چی پیش بَمو، همه‌تان همدیگرِ امرأ خوشان دسان به خودا درگاه بوجور بریدی، بوگفتیدی: «ای خوداوندی کی بر تومامی‌ی کاران حاکمی، ای خالقِ آسمان و زمین و دریا و هرچی کی اوشان دورون وجود دأره، ۲۵ تو خودت روح‌القدسِ امرأ به زبانِ امی پئر، داوود کی تی خادم بو بوگفتی:

اچره غیریهودیان شورش کونیدی

و مردومانِ دنیا بیخودی نقشه کشیدی؟

۲۶ پادشایانِ دنیا و حکمرانانِ همدیگرِ مره همدست بیدی

و لشکرکشی کونیدی به ضدّ خوداوند و اونّ زای مسیح* ۱۰.

۲۷ به راستی کی هه شهر میان، هیرو دیس پادشاه و پنتیوس پیلاطس
حاکم، غیریهودیآن و قوم اسرائیل امرأ به ضدّ تی خادم مقدّس، عیسی
کی اونّ مسح بوکودی، همدس بوستیدی ۲۸ تا هرچی کی تی دس
و تی اراده مقرر بوکوده بو، بر قرار به. ۲۹ هسه ای خوداوند، اوشان
زورگویی بی دین و تی خادمان شہامت فدن تا تی کلام شجاعت
امرأ مردوم بیگید، ۳۰ و تی دس دراز کون و تی قدرت شفابخش امر
فدن تا به نامّ تی خادم مقدّس، عیسی مسیح، پیلہ دانه معجزه یان و
کاران عجیب انجام بدیم.»

۳۱ وختی اوشان دعا بوکودیدی، جایی کی اوشان دور هم جمع
بوسته بید به لرزه دکفته و همه تان روح القدس جا پور بوستیدی و
شجاعت امرأ جه خودا کلام مردوم ره گب زهیدی.

ایماندارانِ یک دلی و صمیمیتِ ہمدیگرِ امرہ

۳۲ تومامیٰ ایماندارانِ ہمدیگرِ مرہ یک دیل و یک جان بید و ہیچکی نوگفتی من صاب مال و منالم بلکی ہرچی کی داشتیدی ہمدیگرِ امرِ شریک بید. ۳۳ رسولانِ قوتِ زیادی امرِ شہادتِ دیدی کی خوداونڈ عیسیٰ مسیح جہ دنیائِ مُردہ یان ویریزہ و خودایم اوشانِ فیض و برکتِ فراوانی فدیی. ۳۴ ہیچ کدائم اوشانِ محتاجِ مال و منال نیبید، چرہ کی ہرچی ملک و املاک داشتیدی فروختیدی ہو پولِ فروشِ آوردیدی، ۳۵ رسولانِ پا جیر فوکودیدی کی بستہ بہ ہر کسِ نیاز، اوشانِ میانِ تقسیمِ بہ. ۳۶ یوسفم کی جہ قبیلہیِ لاوی و قبرسِ شین بو و رسولانِ اونِ برنابا، یعنی «تشویق کنندہ» نام بنہ بید، ۳۷ باغی کی داشتی بوفروختہ و پولِ باوردہ، رسولانِ پا جیر فوکودہ.